

Кен бурутав?

Күндтә Цалм!

Би «Литература и жизнь» гидг газетд джиләр бичгдләв. Генткн, 2—3 хонгт, эн газет эс ирхлә, Элст балгъсна поштин хойрдгч отделенъд одув.

Эн отделенә начальник Н. Халгинова «Союзпечатин» балгъсна бүрдәгъäch З. Н. Захарченко телефогъар күүндчкәд:

— «Литература и жизнь» гидг

5-хн газет бидн авдг биләвдн, терүнәс хойринь «Союзпечать» хасчк-дж, — гидж цәәлгъвр өгв.

— Бүкл джиләр бичгдсн күүнә газетиг ягъад хасджахмб?

— Медджәхшв.. «Союзпечатин» балгъсна бүрдәгъächәс суртн.

Терүнә хөөн Элст балгъсна залгълдана конторин көдләч үр Васильев энүнд орлцад, иигдж зәнъглв:

— «Советская культура» гидг газетәс хойрнь хасгдсиг «Союзпечатин» балгъсна бүрдәгъäch эндүрәд, «Литература и жизнь» газет хасчк-сн бәәдж, тер эндү ода чиклгдв. Ода газетән авхт, зуг давсн цагин газетиг манд өгдг аргъ уга.

Иим «эндү» ганцхн биш. Энүнд, тегәд, кен бурутав? Терүгинь Цалм олич!

И. БАДМАЕВА.